

In rupibus maritimis Cretæ, nec non in Cypro, et agro Cariensi. ☉.

*Radix* cylindracea, gracilis, annua. *Caulis* solitarii, vel plures, erecti, pedales aut bipedales, simplices, foliosi, teretes; basi pubescentes; cæterum glabri, sub geniculis viscidis; apice subdivisi, plerumque bi- vel triflori, quandoque semel dichotomi. *Folia* radicalia et caulina inferiora obovata, obtusa, integerrima, utrinque margineque scabra, saturatè viridia; basi in petiolum angustata; superiora lineari-lanceolata, acuta, margine interdum scabriuscula; summa linearia, angustissima, glaberrima. *Flores* longissimè pedunculati, ebracteati, erecti, saturatè rosei, inodori. *Calyx* ovatus, coloratus, glaberrimus, nervis vix prominentibus. *Petalorum unguis* sursùm dilatati, albi; *laminæ* bipartitæ, laciniis linearibus, obtusis, subdivaricatis; *appendiculis* bifidis, acutis. *Stamina* longitudine unguium. *Styli*, cum *stigmatibus*, aliquantulum breviores. *Germen* ovatum, *receptaculo* ejusdem longitudinis impositum.

a. Calyx.

b. Flos, calyce avulso.

c. Pistillum auctum.

TABULA 423.

SILENE CONICA.

SILENE caule dichotomo, petalis semibifidis appendiculatis, foliis mollibus, calycibus fructus conicis striis triginta.

S. conica. *Linn. Sp. Pl.* 598. *Willden. Sp. Pl. v. 2.* 698. *Sm. Fl. Brit.* 470. *Engl. Bot. t.* 922. *Engl. Fl. v. 2.* 294. *Jacq. Austr. t.* 253. *Dicks. Hort. Sic. fasc.* 18. 11.

S. conoidea. *Huds. Angl.* 189.

*Lychnis sylvestris angustifolia*, caliculis turgidis striatis. *Bauh. Pin.* 205. *Tourn. Inst.* 337. *Dill. in Raii Syn.* 341.

L. sylvestris altera incana, caliculis striatis. *Lob. Ic. v. 1.* 338.

L. sylvestris incana Lobellii. *Ger. Em.* 470.

Muscipulæ majori calyce ventricoso similis. *Bauh. Hist. v. 3. p. 2.* 350.

In Caria et Cypri arvis. ☉.

*Radix* cylindracea, subfusiformis, gracilis, annua, infernè subdivisa. *Caulis* sæpiùs numerosi, patentes, spithamæi, vel pedales, teretes, foliosi, semel aut bis dichotomi, undique densè ac mollitèr pubescentes, pilis brevissimis, paululum deflexis; sub geniculis viscidis. *Folia* lineari-lanceolata, acuta, integerrima, subrevoluta, trinervia, undique mollissimè pubescentia, cinereo-viridia; radicalia obtusiora, basi elongata. *Flores* e dichotomiâ caulis, vel apicibus ramulorum, solitarii, pedunculati, ebracteati, erecti, pallidè purpurei, vel rosei, noctu præcipuè fragrantès. *Pedunculi* densè pubescentes. *Calyx* elliptico-cylindraceus, griseo-virens, tenuissimè striatus, viscidus, densè pubescens, pilis brevissimis, adscendentibus; basi obtusus; apice quinquentatus, dentibus subulatis,